



Privredna komora Unsko-sanskog kantona najavljuje organizaciju sajma EKOBIS 2025 koji će biti održan u period od 04.09.2025. godine do 07.09.2025. godine u Sportskoj dvorani Luke u Bihaću. Cilj organiziranja sajma EKOBIS 2025 je promocija privrednih subjekata i obrta, proizvoda i usluga, poslovno umrežavanje i edukacija.

Na osnovu člana 48. Statuta Privredne komore Unsko-sanskog kantona ("Službene novine Federacije Bosne i Hercegovine", broj: 35/98), Privredna komora Unsko-sanskog kantona objavljuje:

JAVNI POZIV ZA ISKAZIVANJE INTERESA

za organizaciju usluga scensko-tehničkog opremanja u periodu od 04.09.2025. godine do 07.09.2025. godine u okviru 21. Međunarodnog sajma ekologije – EKOBIS 2025

1. Predmet Javnog poziva za iskazivanje interesa

Privredna komora Unsko-sanskog kantona (u daljnjem tekstu organizator) poziva zainteresovane pravne i fizičke osobe (u daljnjem tekstu ponuđač) da podnesu ponude za organizaciju usluga scensko-tehničkog opremanja tokom 21. Međunarodnog sajma ekologije – EKOBIS 2025 (u daljnjem tekstu sajam).

2. Lokacija i radno vrijeme

Lokacija: Vanjski i unutrašnji prostor Sportske dvorane Luke i šator, Mirze Delibašića bb, Bihać. Priprema i postavljanje bine, uređaja i opreme odvijat će se u periodu od 31. august 2025. od 09:00 sati do najkasnije 2. septembra 2025. do 20.00 sati. Radno vrijeme sajma od 4. do 7. septembra 2025. godine: od 10:00 do 19:00. Izabrani ponuđač dužan je javnu površinu osloboditi od osoba i stvari i ostaviti istu urednom i čistom najkasnije dana 8. septembra 2025. godine do 15:00 sati.

3. Subjekti koji se mogu prijaviti na Javni poziv za iskazivanje interesa

Pravo podnošenja prijave za organizaciju usluga scensko-tehničkog opremanja Sportske dvorane Luke u periodu od 04.09.2025.godine do 07.09.2025. imaju:

- a) fizička lica koja obavljaju samostalne djelatnosti (obrtnici koji su registrirani za obavljanje pomoćnih djelatnosti u izvođačkoj umjetnosti) registrovane na području BiH kod nadležnog organa za registraciju djelatnosti i koji registrovanu djelatnost obavljaju kao osnovno zanimanje, a u vezi sa scensko-tehničkim opremanjem, te
- b) privredna društva (d.o.o.) koja su registrovana na području BiH za obavljanje pomoćnih djelatnosti u izvođačkoj umjetnosti.

4. Obaveze ponuđača

- Postavljanje bine - prednji dio 6 M X 4 metra, visina 0,50 M pokrivena novim isitonom

- Ozvučenje bine i dvorane
- Ozvučenje šatora i vanjskog prostora
- Mikrofoni, stalci, naglavni mikrofoni , daljinski mikrofoni i kablovi
- Ton majstor
- Rasvjeta: 6 kom LED wash glava + ambijentalna rasvjeta
- Majstor svjetla
- LED ekran rezolucija 3,9 Pitch., 5 m X 2 m
- Majstor –inženjer za LED ekran
- Ostalo: prevoz, pomoćni radnici, kombi, kamion

5. Obaveze organizatora

- Besplatni priključak i korištenje električne energije
- Promovisanje sajma
- Organizirati zaštitarsku službu za vrijeme trajanje sajma

6. KVALIFIKACIJE PONUĐAČA

1. Ovjerenu kopiju rješenja o upisu u sudski registar (za pravna lica) - ne starije od 3 mjeseca od dana objave Javnog poziva
2. Ovjerena kopija rješenje o obavljanju samostalne djelatnosti nadležnog gradskog organa uprave (za fizička lica) - ne starije od 3 mjeseca od dana objave Javnog poziva
3. Dokaz o vršenju pomoćnih djelatnosti u izvođačkoj umjetnosti (dostaviti najmanje 1 preporuku ustanove/firme sa kojom je prethodno realizovana saradnja ili računa/fakture ili neki sličan dokaz kojim se traženo dokazuje).

7. Kriterij za odabir

Imenovana Komisija za nabavke ocjenjuje svaku stavku iz 6. KVALIFIKACIJE PONUĐAČA sa bodovima od 5 do 0, (od najbolje do najslabije rangiranog ponuđača), dok 0 bodova se može dodijeliti samo ponuđaču koji uopšte nije dostavio konkretan dokaz o ispunjavanju kvalifikacije/a u svojoj ponudi.

Komisija za nabavke kreira tabelu koja će sadržavati ocjene za svakog ponuđača prema svakoj stavi iz 6. KVALIFIKACIJE PONUĐAČA, sa ukupnim ocjenama.

Komisija za nabavke u projektu kreira tabelarno i sumu bodova koje su ponuđači pojedinačno ostvarili, a zatim uz Zapisnik daje preporuku predsjednici Komore da donese odluku o izboru najpovoljnijeg ponuđača.

Ponuđači će po okončanju postupka nabavke, putem e-maila, biti informisani o ishodu predmetne nabavke, tako što će im biti dostavljena Odluka o izboru najpovoljnijeg ponuđača, te će na istu imati pravo žalbe u roku od 5 dana.

Organizator zadržava pravo ne izabrati niti jednog ponuditelja.

Organizator nije dužan davati posebna obrazloženja zbog izbora ponuđača i pri svemu ne snosi nikakvu odgovornost prema ponuđačima.

Nakon provedenog postupka po Javnom pozivu sa najpovoljnijim ponuđačem zaključit će se Ugovor za organizaciju usluga scensko-tehničkog opremanja tokom 21. Međunarodnog sajma ekologije - EKOBIS 2025.

X NAČIN DOSTAVLJANJA PRIJAVA:

Javni poziv za iskazivanje interesa ostaje otvoren **do srijede 20.08.2025.godine do 15:00 sati**. Javni poziv za iskazivanje interesa će se objaviti na službenoj stranici PKUSK: pkusk.com.

Prijave na ovaj Javni poziv podnose se na prijavnom obrascu (Obrazac 1) koji se može preuzeti u prilogu ovog Poziva.

Prijavu sa pratećom dokumentacijom **dostavlja se lično na protokol Privredne komore Unsko-sanskog kantona na adresi Trg maršala Tita bb, Bihać** u zatvorenoj koverti s naznakom "Prijava za organizaciju usluga scensko-tehničkog opremanja tokom 21. Međunarodnog sajma ekologije - EKOBIS 2025" - ne otvaraj,"

Na poledini koverta napisati naziv i adresu ponuđača, kontakt osobu i mobilni telefon. Nepotpune i neblagovremene prijave neće se uzimati u razmatranje.

Za sve dodatne informacije u vezi javnog poziva, zainteresovana lica mogu se obratiti Privrednoj komori Unsko-sanskog kantona na telefon 037/316-350 od 08:00 do 16:00 sati.